




Bweha mwenye njaa na zabibu chachu

Kholeka Mabeta
Kiswahili



Hapo zamani za kale palikuwa
na bweha mwenye njaa.

Alikuwa akitembea karibu na
kichaka akitafuta chakula.

Aliiona bustani kubwa iliyojaa
zabibu mbivu.

Aliona kichala cha zabibu
kikining'inia kutoka tawi moja.





“Hizo zinaonekana tamu kweli kweli,” alifikiria.

Alirudi nyuma hatua chache ili aweze kuzirukia zile zabibu.

Zabibu zilikuwa juu zaidi.
Bweha aliangukia mgongo bila
kuzifikia zile zabibu.





Bweha aliamka na kurudi
nyuma zaidi kutoka alikuwa
mwanzoni.


Wakati huu alipanga kuruka juu
zaidi.

Alikuwa karibu sana lakini
wakati huu aliangukia mgongo
kwa nguvu.

Alijaribu tena na tena, lakini
hakuweza kufikia zabibu.

Alishinda akianguka hadi
mgongo wake ukawa na
maumivu mengi.






Hatimaye, alikata tamaa na
kwenda zake.

Bweha hakufurahia kamwe.
Alisimama, akaangalia nyuma
kuziona zile zabibu na kufikiria,
“Hata hivyo zabibu hizo
zinaonekana chachu.”

Aliendelea kutembea kwenda
zake. Alihisi njaa zaidi kuliko
hapo awali.



Bweha mwenye njaa na zabibu chachu

Writer: Kholeka Mabeta

Illustration: Benjamin Mitchley

Translated By: Brigid Simiyu

Language: Kiswahili



© African Storybook Initiative, 2014



This work is licensed under a Creative Commons Attribution
(CC-BY) Version 3.0 Unported Licence

Disclaimer: You are free to download, copy, translate or adapt this
story and use the illustrations as long as you attribute or credit the
original author/s and illustrator/s.

Saide 
South African Institute
for Distance Education

www.africanstorybook.org
A Saide Initiative